

# MØTEINNKALLING

---

Utval: **FORMANNSKAPET**  
Møtestad: **Formannskapssalen**  
Møtedato: **27.01.2010** Tid: **08.30**

---

Event. forfall må meldast til tlf. 57 65 56 00. Varamedlemer møter etter nærare varsel.  
Saksdokumenter er utlagde i Service-ekspedisjonen og i biblioteket.

## SAKLISTE:

<b>Sak nr.</b>	<b>Arkivsak nr.</b>	<b>Tittel</b>
1/10	10/50	<b>Avtale med Leikanger næringshage om sakshandsaming av næringsfondssakene</b>
2/10	09/459	<b>Interkommunalt brannvern - forprosjekt</b>
3/10	10/5	<b>Søknad om tilskot til felling av rev</b>
4/10	10/33	<b>Gebyr for handsaming av private reguleringsplanar og dispensasjonar</b>
5/10	10/51	<b>Gebyr etter matrikkellova</b>
6/10	10/49	<b>Gebyr for byggesakshandsaming</b>
7/10	09/109	<b>Bruksendring frå forretning til bustadeiningar - Bamabygget</b>
8/10	10/41	<b>Bustadbygging i Lundene</b>
9/10	09/506	<b>Finansiering av musikkbinge</b>
10/10	10/44	<b>Rettleiande retningslinjer for økonomisk sosialhjelp 2010</b>

- 11/10 09/106  
**Søknad om løyving av Startlån for vidare tildeling.**
- 12/10 10/20  
**Helsetenesta - ny lokalisering**
- 13/10 10/35  
**Tilleggsloyving**
- 14/10 10/52  
**Framlegg til ny hovudavtale frå 01.01.2010-31.12.2013 - uravstemming**
- 15/10 10/38  
**Orienteringar**

# LEIKANGER KOMMUNE

## MØTEBOK

### Avtale med Leikanger næringshage om sakshandsaming av næringsfondssakene

---

Sakshandsamar: Per Holen  
Arkivsak nr.: 10/50

---

Arkiv: 243 U01

Sak nr.:	Utval	Møtedato
1/10	Formannskapet	27.01.2010
/	Kommunestyret	04.02.2010

#### TILRÅDING:

**Leikanger kommune engasjerer Leikanger Næringshage til handsaming av sakene til næringsfondet i 2010 i samsvar med tilbod i e-post av 15.01.2010.**

**Dekning av utgiftene vil kommunestyret komma attende til i samband med handsaming av ei sak om organisering av det samla næringsarbeidet i kommunen.**

#### DOKUMENT:

- E-post av 15.01.10 (vedlagt)

#### SAKSUTGREIING:

Leikanger kommune inviterte 25.11.09 til eit møte med dei ulike aktørane i næringslivet i kommunen. I tillegg til kommunen var Leikanger Næringshage, Opplev Leikanger og Leikanger reiselivslag tilstades. Tema var framtidig organisering av det samla næringsarbeidet i kommunen. I møtet vart Einar Skram Husabø frå næringshagen og Per Holen frå kommunen utpeika til å komma med eit framlegg til til organsiering.

Dette arbeidet er godt i gang. Det har vore innleiande samtalar med Opplev Leikanger og reiselivslaget. Det er utarbeidd ei skisse som skal drøftast i eit møte 10.februar. Til dette møtet vil representantar for Kjeringi Open, Fruktbare dagar, Sognefjord Swim Festival, Opplev Leikanger og Leikanger Reiselivslag verta inviterte. Etter dette møtet vil eit framlegg til organisering verta oversendt kommunen for politisk handsaming.

Næringsfondet er eit sentralt område i dette arbeidet. Det er ynskjeleg for partane at handsaming av desse sakene vert testa ut snarast råd. Kommunen har difor bedt næringshagen om eit tilbod på sakshandsaminga i 2010. Skal dette kunna skje etter dei vanlege tidsfristane må kommunestyret godkjenna tilbodet frå næringshagen i møte 4.februar.

# LEIKANGER KOMMUNE

## MØTEBOK

### Interkommunalt brannvern - forprosjekt

Sakshandsamar: Per Holen  
Arkivsak nr.: 09/459

Arkiv: 026 M70

Sak nr.:	Utval	Møtedato
2/10	Formannskapet	27.01.2010
/	Kommunestyret	04.02.2010

#### TILRÅDING:

1. **Leikanger kommune tek utarbeidd forprosjekt om "Sogn Brannvern" av 28.12.09 til orientering.**
2. **Leikanger kommune vil delta i det vidare arbeidet for å få etablert eit felles brannvern i regionen. I dette arbeidet skal styringsgruppa sine vurderingar leggjast til grunn, jfr saksutgreiinga.**

#### DOKUMENT:

- Forprosjekt Sogn Brannvern, rapport av 28.12.09. (vedl.)
- Vedleggshefte til forprosjektrapporten av 28.12.09
- Søknad om omstillingsmidlar - fornying av off. sektor av 11.01.10

#### SAKSUTGREIING:

##### Samandrag:

I saka vert forprosjektrapporten om interkommunalt samarbeid på brannområdet lagt fram for politisk nivå. Rådmann tilrår at Leikanger kommune skal delta i vidare arbeid, eit hovudprosjekt, med målsetjing om å etablere interkommunalt samarbeid for heile brannområdet .

##### Fakta:

Saka har utgangspunkt i tidlegare politisk initiativ om interkommunalt samarbeid, mellom Leikanger, Sogndal og Luster innan teknisk område. Vedlagde forprosjektrapport gir nærare informasjon om bakgrunn og det arbeidet som er gjort. Utkast til forprosjektrapport, datert 21.12.09 vart lagt fram for styringsgruppa for prosjektet, rådmennene i Leikanger, Sogndal og Luster, i møte 22.12.09. I endeleg rapport, datert 28.12.09, er det gjort nokre presiseringar og tilføyningar mellom anna på bakgrunn av innspel frå styringsgruppa.

Den utarbeidde rapporten er fullt ut konsulenten, SOS Brannkonsult v/Atle Strandos, sin rapport.

**Vurdering:**

Styringsgruppa sine vurderingar og konklusjonar frå møtet 22.12.09 kan oppsummerast slik;

- Forprosjektrapporten gir god informasjon over status og utfordringar på brannområdet
- Forprosjektrapporten er eit godt utgangspunkt/grunnlag for vidare drøftingar om felles brannvern.

Styringsgruppa tek ikkje stilling til organisasjonsform no. Temaet må utgreiast/drøftast nærare og spesielt må ein sjå på vertskommunemodellen som organisasjonsform i det vidare arbeidet..

Styringsgruppa tek heller ikkje stilling til lokaliseringa. Dette spørsmålet må også utgreiast/drøftast nærare.

Balestrand og Vik kommune vert, med bakgrunn i eigne initiativ, inviterte til å delta i samarbeidet.

Kommunane bør sikre politisk forankring av forprosjektet og ta stilling til vidare arbeid tidleg i 2010.

Styringsgruppa meiner arbeidet med felles brannvern bør vidareførast som eit hovudprosjekt. Det vidare arbeidet bør ha slike milepelar;

- Konsulentarbeid/eige arbeid i første halvår 2010. Etableringsavtale, organisering/lokalisering, selskapsavtale/samarbeidsavtale, dimensjonering, kostnader/kostnadsfordeling.
- Politisk vedtak om felles brannvern mai/juni 2010.
- Utlysing av stilling som felles brannsjef før sommaren 2010.
- Arbeid i regi av brannsjef/konsulent hausten 2010. Overordna ROS-analysar, branndokumentasjon, endeleg dimensjonering, overføring av personell, budsjett 2011 og evt overgangsordningar.
- Iverksetjing "Sogn brannvern" frå 01.01.11.

Dette er ein ambisiøs framdriftsplan og ein må vera førebudd på at det kan oppstå behov for avklaringar som krev noko meir tid slik at tidslinja må utvidast med nokre månader.

Med atterhald om politisk godkjenning for vidare arbeid er det søkt om "omstillingsmidlar til fornying av offentleg sektor".

Rådmann har vore med i styringsgruppa og slutta seg til ovannemnde vurderingar.

Direktoratet for samfunnssikkerhet og beredskap har ved fleire høve oppmoda om interkommunalt samarbeid på brann- og beredskapsområdet.

På grunnlag av avviksrapportar til kommunane har Fylkesmannen følgd opp same oppmodinga. Spesielt på brannområdet vil kommunane møte store utfordringar med å innfri dei lovmessige krava på ein god nok måte.

Det er også ein aukande trend rundt om i landet at kommunar går saman om å organisere brann- og redningstenesta som interkommunale løysingar.

Førebelse vurderingar syner at det bør vera mogleg å etablere ei god interkommunal ordning

innanfor dei økonomiske rammer som no vert nytta. Kostnadsutviklinga framover er likevel usikker. Dette vil ikkje minst vere tilfelle dersom vi vel å ta hand om desse tenestene på eiga hand.

Det vil vera lettare å løysa desse oppgåvene i eit interkommunalt samarbeid enn om kvar kommune skal ha sine egne tenester. Med aukande krav til kvalitet, kompetanse og ressursutnytting vil ei større eining over tid kunne gje føremonar.

Det er difor interessant at Balestrand kommune er interessert i full deltaking og at Vik kommune er interessert i enten delvis eller full deltaking i samarbeidet.

Organisasjonsform, lokalisering og kostnadsdeling er ofte sentrale spørsmål i samarbeidssaker. Rådmann meiner ein bør vente med å dra dei endelege konklusjonane inntil prosjektet er nærare utgreidt..

Rådmann tilrår at Leikanger kommune tek del i det vidare arbeidet med målsetjing å etablere felles brannvern i regionen, Sogn Brannvern.

# LEIKANGER KOMMUNE

## MØTEBOK

### Søknad om tilskot til felling av rev

Sakshandsamar: Eva Nilsen Huke  
Arkivsak nr.: 10/5

Arkiv: K47

**Sak nr.:** Utval  
3/10 Formannskapet

**Møtedato**  
27.01.2010

### TILRÅDING:

**Leikanger Sau og Geit får kr. 400,- i tilskot pr. felte rev i 2010, avgrensa oppad til kr. 4.800.**

**Løyvinga vert dekkja over ny budsjettpost 1.3714.4757 Skotpremie - ved overføring frå post 1.1029.4901 Tilleggsloyvingar.**

**Bruken av midlane skal administrerast av Leikanger Sau og Geit. Kommunen skal ha årleg rapport om tiltak og omfang. Midlar vert utbetalt etter oppmoding frå Leikanger Sau og Geit ved framlagd rekneskap/rapport.**

### DOKUMENT:

- F-sak 17/09
- Rapport av 17.12.09 for 2009
- Søknad av 17.12.2009 frå Leikanger Sau og Geit om tilskot til felling av rev (vedlagt)

### SAKSUTGREIING:

Leikanger kommune har motteke søknad frå Leikanger Sau og Geit om tilskot til felling av rev. Dei meiner at revebestanden er i vekst etter at det er vorte mindre reveskabb. Dette fører til at mange saueigarar opplever tap av lam på vårbeite. Dette er dokumentert dei siste åra.

I 2009 vart det skote 8 rev i Leikanger, utbetalt med  $\text{kr.}300,- \times 8 = \text{kr.}2.400,-$ .

I forskrift om kommunale viltfond heiter det i § 4 om disponering av fondet:

” – pkt.b) fondet kan ikkje brukast til :

- kommunal administrasjon av viltforvaltninga
- å erstatta skader voldt av vilt
- skotpremiar”.

***Rådmannen si vurdering:***

Leikanger kommune er kjend med at det har vore skade på lam voldt av raudrev og at dette er eit problem for sauenæringa. Leikanger kommune har gjeve betinga fellingsløyve på raudrev i fredningsperioden for å redusere problematikken. Det er klart ynskjeleg for saueeigarane at jegerar er motiverte til å drive jakt på raudrev både i den tida av året då det er opna for jakt ( 15.07 – 15.04) og avliving av raudrev i fredningsperioden (hijakt). Skotpremie kan vere slik motivasjon. Rådmannen rår til at tilskotsperioden vert forlenga med eitt år til og med 2010 og at satsen pr. rev vert auka til 400 kr.

# LEIKANGER KOMMUNE

## MØTEBOK

### Gebyr for handsaming av private reguleringsplanar og dispensasjonar

---

Sakshandsamar: Per Holen  
Arkivsak nr.: 10/33

---

Arkiv: 231 L12

Sak nr.:	Utval	Møtedato
4/10	Formannskapet	27.01.2010
/	Kommunestyret	04.02.2010

### TILRÅDING:

**Leikanger kommunestyre vedtek framlegg av 18.01.10 til nye gebyr for handsaming av private reguleringsplanar og dispensasjonar.**

**Satsane tek til å gjelda frå 1.mars 2010.**

### DOKUMENT:

- Gjeldande regulativ frå 2005 og framlegg av 18.01.10 (vedlagt)

### SAKSUTGREIING:

Leikanger kommunestyre innførde i 2005 gebyr for handsaming av private reguleringsplanar. Ved endringa av Plan- og bygningslova frå 1.juli 2009 vart krava dei tekniske krava til plandokumenta presisert og auka. Dette er det ikkje teke høgde for i det gamle regulativet.

Kommunestyret har i samband med vedtak om budsjett 2010/økonomiplan 2010- 2013 vedteke at inntektene for planhandsaming skal aukast. Framlegget av 18.01.10 har lagt ei tilpassing til satsane i nabokommunane til grunn.

# LEIKANGER KOMMUNE

## MØTEBOK

### Gebyr etter matrikkellova

Sakshandsamar: Runar Stadheim  
Arkivsak nr.: 10/51

Arkiv: 231 L31

Sak nr.:	Utval	Møtedato
5/10	Formannskapet	27.01.2010
/	Kommunestyret	04.02.2010

### TILRÅDING:

**Leikanger kommunestyre vedtek framlegg av 18.01.10 til betalingsregulativ for kommunale pliktoppgåver og tenester etter Matrikkellova i medhald av § 32 i lova.**

**Regulativet skal kunngjerast som lokal forskrift i medhald av §38 i forvaltningslova og gjelda frå 1.mars 2010.**

### DOKUMENT:

- Framlegg av 18.01.10 til gebyrregulativ (vedlagt).
- Rundskriv [T-5/09: Ikraftsetjing av Lov om eigedomsregistrering \(Matrikkellova\) med forskrifter \(Matrikkelforskrifta\)](#)

### SAKSUTGREIING:

Frå 01.01.2010 erstattar Matrikkellova Delingslova. For at kommunen skal kunna ta betaling for kommunale pliktoppgåver og tenester etter lova, slik det i dag blir gjort i medhald av delingslova, må kommunestyret fastsette betalingsregulativ i medhald av den nye lova. Rådmannen har utarbeidd eit betalingsregulativ på grunnlag av gebyrmal frå GeoForum.

Gebyrmalen inneheld ikkje prisar, desse skal fastsetjast av kvar einskild kommune utifrå sjølvkostprinsippet. I framlegget til betalingsregulativ er det så langt råd er teke utgangspunkt i prisenivået i gjeldande regulativ etter delingslova.

1. januar 2010 vart Matrikkellova sett i kraft. Lova medfører nye sakshandsamingsreglar for registrering av eigedom mm.

Lov 17. juni 2005 nr. 101 om eigedomsregistrering (Matrikkellova) erstattar f.o.m. 01.01.2010 lov av 23. juni 1978 nr. 70 om kartlegging, deling og registrering av grunneigedom (Delingslova) og lov 9. juli 1923 nr. 1 om ”anbringelse av signaler og merker for målearbeider” (Signallova).

Den nye lova m/forskrifter medfører nye omgrep og omfattande endringar for det som vedkjem kommunal forvaltning og tenesteproduksjon innanfor lova sitt virkeområde. Det er innført tidsfristar, nye eigedomstypar, større krav til dokumentasjon mm. Dette er omtalt i rundskrivet frå Miljøverndepartementet og i gebyrmalen for forvaltningsoppgåver etter matrikkellova.

I medhald av §32 i Matrikkellova kan kommunen ta betaling for utføring av oppgåver etter lova, og for opplysningar frå matrikkelen. For å kunna ta lovlege gebyr etter det nye lovverket må kommunen først vedta nytt gebyrregulativ i medhald av lova og deretter få det kunn gjort.

Kommunane kan setja prisane slik at dei får dekkja sine kostnader i samband med plikttoppgåver etter lova. Det skal vera eitt samla gebyr for oppmålingsforretning og matrikkelføring. Sjølvkostprinsippet skal leggjast til grunn (jf. publ. KRD H – 2140), men MD uttalar i NOU 1999:1 at det ikkje er krav om eksakte berekningar, og at kommunen til ein viss grad kan lata einskilde typar saker subsidiere andre sakstypar. På grunn av årsvariasjonar i sakstilgang og kostnadsvariasjonar mellom einskildsaker vil saksområdet på årsbasis kunna veksla mellom ”overskot” og ”underskot”. Dette skuldast i hovudsak den delen av prisgrunnlaget som er knytt til faste kostnader, men treng ikkje vera i strid med lova sine avgrensingar. Men i dei tilfella ein kommune krev full kostnadsdekning må det sytast for gebyrsatsar som gjev balanse over nokre år (3 – 5 år).

Etter ønskje frå Miljøverndepartementet, Statens kartverk og KS, har GeoForum teke ansvaret for å utarbeida ein ”standard” gebyrmaal for arbeid etter matrikkellova. Dette arbeidet blei slutført 13. oktober 2009 (versjon 11.10.2009). I tillegg er det samanlikna med vedtekne gebyrregulativ i Luster, Sogndal og Balestrand.

Ei vesentleg endring i den nye gebyrmalen i høve til gjeldande er at talet på arealklassar er sterkt redusert. Dette er gjort for å få eit gebyrregulativ som er enklare å praktisere enn dagens.

Sidan det ikkje føreligg erfaringstal for arbeid etter matrikkellova, må storleiken på gebyra fastsetjast etter kvalifisert vurdering av omfanget av arbeid etter den nye lova. Ein byggjer framlegget på ei generell vurdering frå fagmiljøa om at oppgåvene i sum blir meir omfattande enn etter delingslova. Prisane kan difor leggjast noko høgare enn normal prisstigning for gebyr etter delingslova. Framlegget til Leikanger kommune sitt gebyrregulativ er om lag på same nivå som det våre nabokommunar har vedteke.

I tillegg til framlegg om færre arealklassar i det nye regulativet, er den største endringa i samanliknbare forhold gjort i opningsgebyret. I gjeldande betalingsregulativet etter delingslova er dette på 9.538 kroner for eit areal på 0-1,5 da. I det nye regulativet er opningsgebyret på 6500 kroner for areal opp til 500 m<sup>2</sup>. Endringa blir grunn gitt med at tomteareal som er mindre enn 0,5 da ofte dreiar seg om regulerte og sentrumsnære bustadområde, der arbeidet etter lova kan skje meir rasjonelt og effektivt enn for spreidde einskildtomtar. For areal frå 501m<sup>2</sup> og meir vil forslaget medføre litt prisauke i høve til dagens regulativ.

Når det gjeld gebyr for nye store eigedomar, landbrukseigedomar og eigedomar til ålmennyttige føremål, må slike saker vurderast særskilt. Her kan prisfastsetjinga skje etter punktet om urimeleg gebyr, der rådmannen eller den han gjev fullmakt får høve til å fastsetja eit passende gebyr, jf punkt 1.9 i regulativet. Rådmannen tilrår å følgja prinsippa i gebyrmalen på dette punktet.

I medhald av rettleiaren om lov- og forskriftsarbeid, er vedtak om prisar for pliktige tenester og ytingar å rekna som vedtak etter forvaltningslova. Sjølv om det dreiar seg om å vidareføre eit etablert prinsipp om betaling for utøving av kommunale myndigheitsoppgåver, må kommunestyret fatta nytt vedtak om betaling med tilvising til aktuell lovheimel. Når regulativet er vedteke må det deretter offentleg kunngjerast i medhald av Fvl § 39 før reglane kan gjerast allminneleg gjeldande. Regulativet bør difor vedtakast som lokal forskrift, og kunngjerast i medhald av **Fvl § 38** første ledd bokstav c.

Det er ikkje krav om at forskrifter skal gjennomgåast regelteknisk eller underleggjast annan kontroll før dei blir vedtekne, men **Fvl § 37** set krav om utgreiingsplikt, førehandsvarsling og fråsegner frå interesserte. Sakshandsamar meiner at ved å leggja gebyrmalen frå GeoForum til grunn er det formelle og teknisk innhaldet kvalitetssikra. Når prissettinga dessutan ikkje rårar nye grupper eller fører til vesentleg prisskjerping i høve betalingsregulativet etter delingslova, treng ikkje regulativet førehandsvarslast, jf. Fvl § 37 første ledd bokstav c.

Matrikkellova set tidsfrist for kommunen si gjennomføring av oppgåver etter lova. Oversitjing av tidsfristen gjev automatisk avkorting av gebyra som skal finansiere kommunen sine oppgåver etter lova. For å unngå eit større omfang av gebyravkorting som følgje av forhold kommunen ikkje rår over, er kommunane gitt høve til å definere vintertid i lokal forskrift til lova, og bestemme at denne perioden ikkje skal reknast med i sakshandsamingstida.

Slik lokal forskrift vert framlagt for kommunestyret i eit seinare møte i god tid før neste vinter.

# LEIKANGER KOMMUNE

## MØTEBOK

### Gebyr for byggesakshandsaming

---

Sakshandsamar: Ervin Johan Beheim  
Arkivsak nr.: 10/49

---

Arkiv: 231 L4

Sak nr.:	Utval	Møtedato
6/10	Formannskapet	27.01.2010
/	Kommunestyret	04.02.2010

### TILRÅDING:

**Leikanger kommunestyre vedtek framlegg av 18.01.10 til nye gebyr for byggesakshandsaming.**

**Satsane tek til å gjelda frå 1.mars 2010.**

### DOKUMENT:

- Gjeldande regulativ frå 2005 og framlegg av 18.01.10 (vedlagt)

### SAKSUTGREIING:

Leikanger kommunestyre innførde i 2005 gebyr for byggesakshandsaming

Kommunestyret har i samband med vedtak om budsjett 2010/økonomiplan 2010- 2013 vedteke at inntektene for planhandsaming skal aukast. Framlegget av 18.01.10 har lagt ei tilpassing til satsane i nabokommunane til grunn.

# LEIKANGER KOMMUNE

## MØTEBOK

### Bruksendring frå forretning til bustadeiningar - Bamabygget

Sakshandsamar: Per Holen  
Arkivsak nr.: 09/109

Arkiv: MTR 24/219

**Sak nr.:** Utval  
7/10 Formannskapet

**Møtedato**  
27.01.2010

#### TILRÅDING:

**Leikanger kommune gir løyve til bruksendring frå forretning til bustad for bygging av dei to siste husværa i 1.høgda.**

**Det er eit vilkår for bruksendringa for dei to husværa at uteområdet samstundes vert opparbeidd med leikeområde og parkering for bustadene i tråd med situasjonsplanen. Uteområdet for attverande forretning skal avskjermast mot bustad- og leikearealet.**

#### DOKUMENT:

- Teikning av 01.07.09 med situasjonsplan (tidlegare utsendt)

#### SAKSUTGREIING:

Formannskapet var på synfaring i samband med møte 07.05.09.

Det vart då gitt fylgjande retningsliner for det vidare planarbeidet:

” *Formannskapet rår til at planutkastet vert endra på fylgjande punkt:*

- *I fellesområde parkering mot Njøsavegen skal det setjast av areal til felles leikeareal for barn. Dette området skal elles delast mellom parkering for bustadene og naudsynt parkering for butikklokalet.*
- *Arealet for Bustader 2 aust i planområdet går ut i dette planframlegget. ”*

Det er utarbeidd situasjonsplan av 01.07.09 i tråd med formannskapet sine retningsliner. Formannskapet godkjende i sak 107/09 i møte 03.09.09 bruksendring for dei to husværa nærast Njøsavegen.

Dei to siste skulle byggjast når reguleringsplanen er ferdig og forretninga er flytta til lagerdelen.

Arbeidet med reguleringsplanen er no oppstarta. FASIT ingeniørtenester AS på Hafslo ved Heidi F. Helle er engasjert til planarbeidet. Det er halde oppstartsmøte med kommunen der situasjonsplanen av 01.07.09 vert lagt til grunn. Det er sendt varsel om oppstart av planarbeidet.

Då det er stor etterspurnad etter husværa, vert det no søkt om oppstartsløyve for dei to siste husværa. Det er ikkje merknader frå naboane.

# LEIKANGER KOMMUNE

## MØTEBOK

### Bustadbygging i Lundene

Sakshandsamar: Per Holen  
Arkivsak nr.: 10/41

Arkiv: L81

Sak nr.:	Utval	Møtedato
8/10	Formannskapet	27.01.2010
/	Kommunestyret	04.02.2010

### TILRÅDING:

**Pris for tomt R1 vert redusert til 100.000 kr. Dersom ikkje tomta er seld for privat utbygging innan 1.juni 2010, får rådmann i oppdrag å leggja fram sak om bygging i kommunal regi på tomta.**

**Rådmannen får i oppdrag å fremja endra reguleringsplan for om lag 9 daa i Lundene, vist på kart av 19.01.2010, grunneigarar Geirmund og Kolbjørn Henjum og Leikanger kommune. Det skal regulerast for utbygging av minimum 13 bustader.**

### DOKUMENT:

- K-sak 16/08.
- Brev av 27.08.08 frå Geirmund og Kolbjørn Henjum (vedlagt)
- Kart av 19.01.10 i M 1:1000 (vedlagt)

### SAKSUTGREIING:

Kommunestyret fastsette i sak16/08 i møte 08.05.08 prisen for rekkehustomt R1 i Lundene til 200.000 kr. I same saka vart arealet på 5,2 daa som kommunen eig lagt ut for sal for 250.000 kr. Kommunen har korkje fått interesserte kjøpar til rekkehustomta eller tomtearealet.

Rådmannen ynskjer no å gjera rekkehustomta meir attraktiv ved å tilrå at prisen vert halvert. Etter reguleringsplanen skal det byggjast 4 bueningar på tomta. Rådmannen ynskjer òg at kommunen vurderer bygging i eigen regi dersom ikkje den private marknaden reagerer i løpet av dei første månadene.

I brev av 27.08.08 baud Geirmund og Kolbjørn Henjum ut om lag 3,6 daa av deira eigedom for sal til bustadtomter. Dette arealet er avhengig av vegtilkomst frå kommunen sine område på Hjedl og i Lundene. Gjeldane reguleringsplan for Lundene er ikkje endra etter at planen for Hjedl vart godkjent. Det var lagt opp til at eventuelle private kjøparar av arealet òg skulle stå

for utarbeidinga av den endra reguleringsplanen. No finn rådmannen det rett at kommunen sjølv står for denne planendringa i eigen regi. Rådmannen legg òg til grunn at den endra planen minst skal innehalda same tal bueiningar som gjeldane plan.

# LEIKANGER KOMMUNE

## MØTEBOK

### Finansiering av musikkbinge

---

Sakshandsamar: Ole Opheim Røthe/Roar Sandnes  
Arkivsak nr.: 09/506

---

Arkiv: 223 C30

**Sak nr.:** Utval  
9/10 Formannskapet

**Møtedato**  
27.01.2010

### TILRÅDING:

- 1. Leikanger formannskap løyver kr. 100.000 frå Næringsfond for ungdom til finansieringa av den kommunale delen til etablering av musikkbinge i Leikanger.**
- 2. Leikanger formannskap gjer framlegg om at musikkbingen vert plassert på den gamle sandvollybanetomta ved reinseanlegget på Hermansverk.**

### DOKUMENT:

- Leikanger ungdomsrådsak 6/09
- Leikanger ungdomsrådsak 1/10
- <http://www.musikkutstysordningen.no/index.php/musikkbinger.html>

### SAKSUTGREIING:

Leikanger kommune måtte i 2007 stenga øvingsromma i uthusa både på Skrivar- og Fylkesmannsgarden, då dei ikkje stetta krava til branntryggleik. Sidan den tid har ikkje kommunen hatt øvingsrom for uorganisert ungdom som er interessert i pop og rock. Det er ein klar samanheng mellom tilgjenge på øvingsrom og slik aktivitet i ungdomsmiljøet. Aktiviteten i det uorganiserte bandmiljøet har ikkje vore så låg på mange tiår i kommunen. Det må understrekast at slik aktivitet har stor verdi som førebyggjande tiltak så vel som ein kulturell verdi for kommunen.

Leikanger kommune fekk våren 2009 eit tilbod frå Musikkutstysordninga om å kjøp av musikkbinge. Ein musikkbinge er eit mobilt, fullisolert øvingsrom i brakke- eller containerformat som er skreddarsydd for aktivitet innanfor rock og rytmisk musikk. Bingane er støtta av statlege midlar slik at den kommunale delen vert relativt liten. Musikkutstysordninga bidreg med fagleg rettleiing og hjelper kjøparane til å utstyra bingane med høvelege instrument og forsterkarar (backline). Musikkbingane er omsettelege og ordninga hjelper eigarane å selja bingen dersom kommunen finn meir permanente løysingar for slik aktivitet.

Meir detaljar finn ein på <http://www.musikkutstyrsordningen.no/index.php/musikkbinger.html>

Leikanger ungdomsråd (LUR) har handsama sak om etablering av musikkbinge i sakene 6/09:

*Leikanger ungdomsråd rår til at Leikanger kommune søker om etablering av musikkbinge.*

*Rådet rår kommunen til å satsa på containerutgåva, og at det vert kjøpt inn forsterkarar og instrument for å gjera øvingsrommet klar til bruk.*

*Rådet ber administrasjonen avklare finansiering av eigendelen for kommunen.*

og 1/10:

*Leikanger ungdomsråd rår til at Leikanger kommune gjer bruk av næringsfondet for ungdom til finansieringa av den kommunale delen til kjøpet av musikkbingen.*

*Kr. 100.000 frå Næringsfondet for ungdom vert nytta til kjøp av musikkbinge.*

### Finansiering

Statstilskotet og momskompensasjonen dekkjer store deler av bruttoinvesteringa til ein musikkbinge. Ved val av containerløysinga dekkjer dette over 68 % av brutto kostnad.

Kommunen si del av finansieringa vert noko over 30 %.

<b>Bruttoutlegg for kommunen ved kjøp:</b>	
Kontainar 381.875 kroner	
Brakke 373.375 kroner	
<b>Statleg tilskot:</b>	Tilsegn om tilskot i forkant av kjøp. Tilskot vert utbetalt av Musikkutstyrsordningen etter avtale med kommunen.
<b>185 000 kroner</b>	
<b>Momskompensasjon:</b>	Jf. Lov om mva-kompensasjon.
Kontainar 76.375 kroner	
Brakke 74.675 kroner	
<b>Nettokostnad for kommunen:</b>	Eigendel for kommunen utgjer ca. 30 pst. av bruttoprisen
Kontainar 120.500 kroner	
Brakke 113.700 kroner	

Ungdomsrådet rår til å nytte midlar frå Næringsfond for ungdom til finansieringa av den kommunale delen til kjøp av musikkbinge. Dette fondet har pr. dato innestående 77.000 kroner frå i 2008 og med tilsagn om same sum for 2009. Kommunen har lyst ut midlane både i 2008 og 2009. Det er ikkje komme inn søknader.

Kommunen har vedteke eigne retningslinjer for næringsfond for ungdom. Bruk av midlar frå fondet til kjøp av musikkbinge bryt ikkje desse retningslinjene. Det er formannskapet som avgjer bruken av Næringsfondet for ungdom etter tilråding frå ungdomsrådet.

Dersom fondsmidlane frå ikkje vert nytta, kan dei verte inndregne av Sogn og Fjordane fylkeskommune som tildelar midlane. Bruken av midlane skal rapporterast innan 01.02.2010.

Musikkbingen vert levert i ein containertype og ein brakketype. Det er litt større plass i containertypen, og denne er då meir fleksibel i høve bandet sin storleik. Difor bør kommunen satsa på containertypen. Den kommunale kostnaden for containertypen er kr. 120.500

Musikkbingen må ha eit visst tilsyn for å sikra at han vert brukt etter intensjonen, at utstyr vert rett handsama og at det er rimeleg orden under og etter bruk. Sogn kulturskule kan bidra med fagkunnskap og erfaring kring bingen, og vil såleis ha ansvaret for den daglege drifta.

First for å søkje er 1. februar 2010.

### **Tillegg til handsaming i formannskapet 27.01.2009:**

Det er etterkant av møtet i LUR komme informasjon om at det er ønskjeleg at plasseringa av musikkbingen er fastsett i søknaden.

Plassering:

Leikanger ungdomsråd drøfta òg plasseringa av musikkbingen. Dei har vurdert ei plassering på i Hermansverk sentrum, på Schrødertomta, like nord for Saften. Plasseringa er gjort med tanke på å nytta toaletta i Saften og plassering av bingen i sentrum.

Administrasjonen har drøfta saka med utgangspunkt i LUR sitt ønskje om plassering. Schrødertomta er regulert til friareal og ei plassering av bingen der vil verta ei utfordring reint estetisk. For å hindre konflikt med sentrumsgruppa sine planar om grøntareal, vil administrasjonen rå til at musikkbingen vert plassert på kommunen sitt ledige areal på den gamle sandvollybana under riksvegen. Dette arealet er regulert til brannstasjon. Brannstasjonen vert no etablert i leigde lokale ein annan stad på Hermansverk. Denne plasseringa bør gå godt i hop med LUR sitt ønskje om nærleik til toalett. Den gamle sandvollybanetomta har opplegg for straumtilknytning. Framlegget til plassering er gjort i samråd med kulturskulen.

# LEIKANGER KOMMUNE

## MØTEBOK

### Rettleiande retningslinjer for økonomisk sosialhjelp 2010

Sakshandsamar: Grete Hagen  
Arkivsak nr.: 10/44

Arkiv: 223 F01

**Sak nr.:** Utval  
10/10 Formannskapet  
/ Kommunestyret

**Møtedato**  
27.01.2010  
04.02.2010

#### TILRÅDING:

**Leikanger kommune justerer satsane for økonomisk sosialhjelp til tilsvarende nivå som dei statlege satsane frå 01.02.2010. Fylgjande satsar vert lagt til grunn i Leikanger kommune:**

<b>Einsleg</b>	<b>kr. 5.535</b>
<b>Ektepar/sambuar</b>	<b>Kr. 8.632</b>
<b>Person i bufellesskap</b>	<b>Kr. 4.316.-</b>

<b>Barn 0-5 år</b>	<b>Kr. 1.982</b>
<b>Barn 6-10 år</b>	<b>Kr. 2.632</b>
<b>Barn 11-17 år</b>	<b>Kr. 3.303</b>

#### DOKUMENT:

- Lov om sosiale tenester nr. 81 av 13.12 1991
- Rundskriv I-34/2001
- Brev frå Arbeids og inkuderingsdepartemetet datert 21.12.2009 vedrørende statlege veiledane retningslinjer for utmåling av økonomisk stønad

#### SAKSUTGREIING:

##### **Lov om sosiale tenester § 5-1 omhandlar økonomisk stønad til livsopphald:**

*De som ikke kan sørge for sitt livsopphald gjennom arbeid eller ved å gjøre gjeldende økonomiske rettigheter, har krav på økonomisk stønad. Stønaden bør ta sikte på å gjøre vedkommende selvhjulpen.*

*Departementet kan gi veiledende retningslinjer om stønadsnivået.*

I rundskriv A-68/2009 frå arbeids-og inkluderingsdepartementet datert 21.12.2009, står det fylgjande:

*Sosial –og helsedepartementet gav i 2001 rettleiande retningslinjer for utmåling av stønad til livsopphald etter sosialtenestelova. Satsane har vorte prisjustert fleire gonger, sist i 2009. Satsane for borns livsopphald vart i 2002 heva utover prisstigninga. Vidare vart alle satsar i 2007 heva med 5 % utover prisstigninga. Satsane i dei statleg retningsgjevande satsane vart i 2009 prisjustert i tråd med anslaget for vekst i konsumprisane i nasjonalbudsjettet for 2009 med 3 %. I tillegg vart satsane auka med 5 % utover denne prisstigninga. Satsane i dei veileiande retningslinjene blir prisjusterte i 2010 i tråd med anslaget for vekst i konsumprisane i Nasjonalbudsjettet for 2010 ( 1,8 %)*

Økonomisk stønad etter sosialtenestelova er ei skjønsmessig yting, og sosialtenesta har både rett og plikt til å utøve skjøn når ein skal vurdere om det skal ystast stønad, og ved utmåling av stønad. Dei retningsgjevande satsane til staten må difor reknast som eit retningsgjevande utgangspunkt for det skjøn som skal utøvast. Det er eit krav at stønaden i den einskilde sak sikrar søkjar eit forsvarleg livsopphald, og det skal alltid leggest til grunn ei individuelle vurdering.

Rettleiande normer er praktisk og nyttig reiskap som eit utgangspunkt for berekning, og skal bidra til å sikre mest mogleg likebehandling i den einskilde kommune, men med individuelle vurderingar. Dei statlege satsane kan og vera med på å redusera ulikskap mellom stønadsnivået i kommunar.

Dei rettleiande retningslinjene omfattar utgifter til det løpande, daglege livsopphaldet: mat og drikke, klær og sko, hushaldningsartiklar, hygiene, TV-lisens, avis og telefon, fritidsaktivitetar, fritidsutstyr til barn og reiseutgifter (bruk av off.kommunikasjon i samband med daglege gjeremål) jf.rundskriv I-34/2001.

**Buutgifter, straum og oppvarming, hus- og innbuforsikring, innbu og kvitevarer inngår også i kjerneområdet til livsopphald, men er ikkje inkludert i retningslinjene for stønadsnivået og må vurderast særskilt i kvart enkelt høve.**

**”Særlege utgifter” som etter konkret vurdering kan inngå i livsopphaldsavgrepet, er ikkje rekna inn i grunnlaget for statleg rettleiande stønadsnivå. Dette kan til dømes vere utgifter i samband med høgtids- og merkedagar, fritidsutstyr for vaksne, spedbarnsutstyr, barnepass, skulestart, vidaregåande skule, utgifter knytt til samver med barn, lege, psykolog og liknande, medisinar, tannbehandling, syns- og hørselshjelpemiddel, flytteutgifter, vedlikehald av eigen bustad, bilhald og særlege behov elles.**

**Retningslinjene er ikkje tidsavgrensa i høve lengda på stønadsperioden og gjev ikkje rettleiing om stønad i akutte situasjonar.**

**Rundskrivet påpeikar elles at stønaden skal utmålast etter konkret vurdering av den enkelte mottakar sine behov ut frå familiesituasjon, bustadtilhøve, alder, akutt eller varig hjelpetrong m.v. Normer skal såleis berre vere rettleiande og eit hjelpemiddel for det konkrete skjønnet ved vurdering av stønadsnivå.**

**Ved utmåling av stønad til barnefamiliar må det takast særleg omsyn til at barn skal ha ein så normal oppvekst som mogleg.**

Staten sine retningsgjevande satsar for tildeling av økonomisk stønad:

	2007:	2008:	2009:	2010
<b>Einsleg</b>	4.600.-	4.720.-	5.105.-	<b>5.197.-</b>
<b>Ektepar/sambuar</b>	7.650.-	7.840.-	8.479.-	<b>8.632.-</b>
<b>Person i bu-fellesskap</b>	3.825.-	3.920.-	4.240.-	<b>4.316.-</b>

<b>Barn 0-5 år</b>	1.760.-	1.800.-	1.947.-	<b>1.982.-</b>
<b>Barn 6-10</b>	2.330.-	2.390.-	2.585.-	<b>2.632.-</b>
<b>Barn 11-17</b>	2930.-	3.000.-	3.245.-	<b>3.303.-</b>

**Leikanger kommune sine retningsgjevande satsar for tildeling av økonomisk stønad i 2010:**

Satsane pr.mnd:	2008	2009	2010
<b>Einsleg</b>	5.125	5.535	<b>5.535.-</b>
<b>Ektepar/sambuar</b>	7.841	8.468	<b>8.632.-</b>
<b>Person i bufellesskap</b>	3.920	4.234	<b>4.316.-</b>

	2008	2009	2010
<b>Barn 0-5 år</b>	1.804	1.948.-	<b>1.982.-</b>
<b>Barn 6-10 år</b>	2.388	2.579.-	<b>2.632.-</b>
<b>Barn 11-17 år</b>	3.003	3.243.-	<b>3.303.-</b>

Nav Leikanger vil tilrå at Leikanger kommune justerer satsane tilsvarande nivået til dei statlege satsane. Satsane for einslege vert ikkje endra, då dei ligg noko høgare enn dei statlege. Dei nye satsane vert gjort gjeldande frå 01.02.2010.

# LEIKANGER KOMMUNE

## MØTEBOK

### Søknad om løyving av Startlån for vidare tildeling.

Sakshandsamar: Grete Hagen  
Arkivsak nr.: 09/106

Arkiv: 243

**Sak nr.: Utval**

11/10 Formannskapet  
/ Kommunestyret

**Møtedato**

27.01.2010

### TILRÅDING:

**Kommunestyret vedtek at Leikanger kommune tek opp Startlån i Husbanken stort kr 1. 500.000,- ,samt godkjenner lånevilkåra.**

### DOKUMENT:

### SAKSUTGREIING:

NAV Leikanger administrerer Husbanken sine låne- og tilskotsordningar. Tidligare i år har vi søkt og fått innvilga kr. 500 000 frå Husbanken til vidareformidling av Startlån. Det syner seg at denne summen er overskriden og at etterspurnaden for slike lån er aukande.

Dette sett i lys av at rentemarkedet er på veg opp, samstundes som at lånerenta i Husbanken er svært låg og ligg på etterskot i høve det ordinære lånemarkedet.

Startlån gjeld for einskilde grupper som td.etablering for einsleg forsyttarar, rusmisbrukarar, innvandrarar og andre i særkilte grupper og situasjonar.

Leikanger kommune har i 2009 busetningsvedtak frå IMDI på 10 personar, i tillegg kjem familiegjenforening. Dette er ei prioritert gruppe frå Husbanken, og her kan vera aktuelle saker. Kommunen har også ei relativt stor gruppe med einslege forsyttarar i etableringsfase som er sårbare for renteauke og som fort kan komme i ein økonomisk vanskeleg situasjon.

Husbanken har fastsett egne retningsliner som kommunen må følgje for bruk av lånemidlane.Kommunen svarar for årlege renter og avdrag overfor Husbanken. Lånetakarane betaler kostnader for dei lånesummane dei får tildelt til kommunen.

### Lånevilkår:

Løpetid i år: 10 år

Terminar pr.år: 4

Flytande rente etter Husbanken sin einkvartid gjeldande sats

Gebyr pr.termin kr. 30.-

# LEIKANGER KOMMUNE

## MØTEBOK

### Helsetenesta - ny lokalisering

Sakshandsamar: Gunnar Steine  
Arkivsak nr.: 10/20

Arkiv: 614 G60

Sak nr.:	Utval	Møtedato
12/10	Formannskapet	27.01.2010
/	Kommunestyret	04.02.2010

### TILRÅDING:

Kommunestyret vedtek å opprette ei arbeidsgruppe med oppgåve å greie nærare ut spørsmålet om flytting av helsesenteret til Leikanger sjukeheim og bygging av omsorgsbustader i tilknytning til institusjonen.

Formannskapet vert styringsgruppe.

#### Mandat:

- A) Skissere løysingar for plassering av helsesenteret sine funksjonar ved Leikanger sjukeheim innanfor eksisterande areal, evt. i kombinasjon med naudsynt tilbygg.
- B) Vurdere trongen for omsorgsbustader i tilknytning til sjukeheimen og moglege plassering av desse.
- C) Utgreiinga skal også innehalde kostnadsoverslag og framdriftsplan for gjennomføring av ei utbygging.
- D) Tidsfrist for arbeidsgruppa: 01.06.10.

#### Samansetjing av arbeidsgruppa:

Kommuneoverlege: Leiv Erik Husabø

Pleie- og omsorgsleiar: Anne Margrethe Kråvik

Sektorleiar: Per Holen

Fylgjande 2 medlemmer valde av og mellom kommunestyret sine representantar.

\_\_\_\_\_  
\_\_\_\_\_  
Rådmannskontoret er sekretær for arbeidsgruppa

**DOKUMENT:**

- Rapport frå arbeidsgruppe dat. 29.12.09. (vedlegg)

**SAKSUTGREIING:****Bakgrunn**

Det vert arbeidd med planar for sal og ombygging av den gamle sjukeheimen til bustadforemål. Dersom dette vert realisert, kan det verte aktuelt å skaffe nye lokale til helsesenteret som i dag er lokalisert i sokkeletasjen i bygget.

Med dette som utgangspunkt oppretta rådmann ei arbeidsgruppe for å vurdere om det kunne vera aktuelt flytte helsesenteret til den nye sjukeheimen og samlokalisert med dei øvrige tenestene der.

Arbeidsgruppa fekk fylgjande oppdrag:

- *Er det mogleg å flytte helsetenesta til Leikanger sjukeheim?*
- *Korleis kan dette gjennomførast innanfor eksisterande areal, evt. behov for nybygg?*
- *Fordelar og ulemper ved slik samlokalisering?*
- *Medlemar arbeidsgruppe: Leiv Erik Husabø, Anne Margrethe Kråvik og Gunnar Steine.*
- *Tidsfrist: Arbeidsgruppa har svar på nemnde spørsmål innan 31.12.2009.*

*Eg tenkjer meg at vi startar så enkelt i fyrste omgang. Om det syner seg at dette let seg realisere - bør vi opprette ei breiare samansett gruppe som ser vidare på kva moglegheiter som kan ligge i ei slik samlokalisering. Ikkje minst med tanke på "Samhandlingsreforma".*

Arbeidsgruppa har i sin sluttrapport konkludert slik:

*Arbeidsgruppa meiner at det burde vera grunnlag for å gå vidare med ei grundigare utgreiing omkring flytting av helsesenteret til den nye sjukeheimen.*

*Det vil ikkje vera rom for å løysa arealtrongen fullt ut innanfor noverande areal. Legesentret må lokaliserast i første høgda og treng eigen inngang som omtalt over.*

*Ei samlokalisering av kommunen sine pleie- og omsorgstenester og helsesenteret vil vera framtidretta. Det vil føra til eit styrka og samla fagmiljø som på ein langt betre måte enn i dag, vil kunne møte framtida sine krav om auka aktivitet, kvalitet og endå meir spesialiserte tenester. Arbeidsplassane vil framstå som meir attraktive for dei ulike arbeidsgruppene. Ei slik samlokalisering vil og vera avgjerande for om me skal kunne ta på oss nye oppgåver som fylgje av samhandlingsreforma.*

*Samlokalisering av desse tenestene og bruk av lokala som synt over, vil innebera at ein ikkje utan vidare kan få tilbake dei 4 sengeplassane som i dag har vore unyttta ved blå avdeling og*

*som no vil inngå i det nye romprogrammet. Dette må etter arbeidsgruppa si meining på sikt kompenseras med bygging av omsorgsbustader med heildøgns pleie ved sjukeheimen. Ei samlokalisering av desse tenestene vil auka trafikken inn i området, og krevja utvida parkeringsareal.*

**Rådmann si vurdering:**

Arbeidsgruppa har konkludert med at bør vera grunnlag for å arbeida vidare med spørsmålet om flytting av helsesenteret til Leikanger sjukeheim. Arbeidsgruppa vurderer ei samlokalisering av desse tenestene som framtidsretta og eit nyttig grep for å møte framtida sine krav til ei godt fungerande kommunal helseteneste.

I ei tid med stor etterspurnad etter bustader, vil og ei frigjering av heile bygningsmassen til den gamle sjukeheimen til bustadføremål, vera svært bra.

Gjennomgangen av kommunen sin tenesteproduksjon i 2009 (OU-prosjektet) synte at kommunen manglar eit tilbod om heildøgns pleie og omsorg utanfor institusjon, såkalla omsorgsbustader. Samtidig vil samhandlingsreforma setja større krav til kommunen om meir spesialiserte og samansette tenester innanfor pleie og omsorg. For å møte desse utfordringane bør kommunen vurdere å etablera omsorgsbustader i tilknytning til sjukeheimen.

Rådmann vil tilrå at det vert oppretta ei ny arbeidsgruppa med oppgåve å arbeida vidare med spørsmålet om flytting av helsesenteret til Leikanger sjukeheim og samtidig vurdere ei utbygging av omsorgsbustader i tilknytning til sjukeheimen.

Arbeidsgruppa bør ha kompetanse innan helse, pleie og omsorg og byggtknisk fag. Arbeidsgruppa bør i tillegg ha medlemmer valde av og mellom kommunestyret sine representantar.

# LEIKANGER KOMMUNE

## MØTEBOK

### Tilleggsøyving

Sakshandsamar: Gunnar Steine  
Arkivsak nr.: 10/35

Arkiv: 153

Sak nr.:	Utval	Møtedato
13/10	Formannskapet	27.01.2010
/	Kommunestyret	04.02.2010

### TILRÅDING:

**Kommunestyret vedtek fylgjande tilleggsøyving for å dekkja meirkostnader med nye tiltak i pleie og omsorg og ved barneskulen for 2010:**

**Heimebasert omsorg – ansvar 12231:      kr. 235.000,-**  
**Barneskulen – ansvar 12412:              kr. 224.000,-**

**Dei samla utgiftene på kr. 459.000,- vert dekkja frå disposisjonsfondet.**

### DOKUMENT:

- Vedtak i inntaksnemnda for pleie og omsorg, sak 1012.
- Søknader/tilrådingar om tiltak for elevar ved barneskulen.

### SAKSUTGREIING:

Etter at budsjettet for 2010 vart vedteke er det kome til 3 kostnadskrevjande saker innanfor pleie og omsorg og grunnskulen som det ikkje er budsjettdekning for å setja i verk.

#### Pleie og omsorg:

Kommunen har motteke ein søknad om ordning med brukarstyrt personleg assistent. Dette gjeld ein brukar som flyttar til Leikanger kommune no i vår. Vedk. er innvilga tilsvarande ordning som det no er søkt om, i den kommunen vedk. i dag bur i.

Søknaden er handsama i inntaksnemnda i møte 07.01.2010, sak 1012. Søknaden er godt dokumentert og vedk. har etter sosialtenestelova § 4-2a, rett på ei slik teneste. Omfanget er vurdert og fastsett lik det vedk. har i dag.

Årleg kostnad med tiltaket er stipulert til kr. 310.000,- For året 2010 vert kostnaden sett til kr. 235.000,- Det er ikkje budsjettdekning for iverksetjing av tiltaket innanfor eksisterande budsjett, og rådmannen kan ikkje sjå at det innanfor pleie og omsorg sitt budsjett vil vera råd å omprioritera midlar for å dekkja opp for dette tiltaket.

Barneskulen:

Kommunen har motteke 2 søknader/tilrådingar om tiltak kring barn med større samansette vanskar.

Grunnlaget for søknadane/tilrådingane er godt dokumenterte gjennom helsevesen, BUP og PPT. Omfanget av tiltaka vil ligge på 16 -18 t/v fordelt på pedagog/miljøterapeut eller tilsvarande.

Årleg kostnad vert stipulert til omlag 246 000 kroner. For 2010 vert tiltaka sette i verk frå 01.02.2010, og kostnaden vert redusert til om lag 224 000 kroner.

Det er ikkje budsjettdekning for desse tiltaka innafør eksisterande budsjett, og rådmannen kan vanskeleg sjå at det er lønsmidlar å omdisponere innafør barneskulen sitt budsjett.

**Konklusjon:**

Samla utgifter til desse 3 tiltaka utgjer for 2010 kr. 459.000,- Driftsbudsjetta for dei 2 tenestemråda i 2010 er så stramme at rådmannen vil tilrå at det vert gjeve ei tilleggsøyving til pleie og omsorg og barneskulen får å finansiera meirkostnadene. Tilleggsøyvinga vert å dekkja frå disposisjonsfondet.

# LEIKANGER KOMMUNE

## MØTEBOK

### Framlegg til ny hovudavtale frå 01.01.2010-31.12.2013 - uravstemming

---

Sakshandsamar: Dagrun Røysum  
Arkivsak nr.: 10/52

---

Arkiv: 401

**Sak nr.:** Utval  
14/10 Formannskapet

**Møtedato**  
27.01.2010

#### TILRÅDING:

**Leikanger kommune stemmer –JA- i uravstemming som gjeld framlegg til ny Hovudavtale for tidsrommet 01.01.2010-31.12.2013.**

#### DOKUMENT:

- A-rundskriv nr.4/2009 (vedlegg)

#### SAKSUTGREIING:

Framlegg til ny hovudavtale frå 01.01.2010-31.12.2013 er klar og er sendt kommunane til uravstemming. Frist for tilbakemelding er sett til 29.01.2010.

Hovudstyret tilrår medlemane å stemme – JA- til forhandlingsløysinga. Sjø vedlagt A-rundskriv nr.4/2009 om avstemmingsreglar og innhald i framlegget til Hovudavtale.

# LEIKANGER KOMMUNE

## MØTEBOK

### Orienteringar

---

Sakshandsamar: Per Holen  
Arkivsak nr.: 10/38

---

Arkiv:

**Sak nr.:** Utval  
15/10 Formannskapet

**Møtedato**  
27.01.2010

### TEMA:

1. Brev av 31.12.09 til Leikanger Sau og Geit med administrativt vedtak om løyve til å ta revehi i 2010.
2. Brev av 05.01.10 til Leikanger Sau og Geit med administrativt vedtak om løyve til bruk av snøscooter i samband med frakt og tilsyn av åte på Stavsete i samband med lisensjakt på jerv.
3. Fellingsresultat frå Leikanger Storvald for hjortejakta 2009 (vedlagt).
4. Eigedomsskatt – ny alminneleg taksering 2010